



07222

施愚山先生學餘詩集卷之二十一

七言古

千頃堂藏書歌為黃俞邵作

錢牧齋
伯有記

藏書共說須名山黃子草堂屋市間
有盜能賸篋
 市上何人宵閉關黃子示我藏書記
使我太息還開顏
 天厄斯文意不測羸漢宋元幾沾臆
 金泥玉冊盡飛灰駝負輦馳歸絕域
 人間流落存殘編注疏補輯勤諸賢
 寇壘橫攤作甲冑圍城拉雜供炊烟
 馬牛蹂踏隍糞土頡籥夜號哀九天
 自從八股輕六經後生搦管登彤廷
 百家子史太瑣碎略數書名已倦聽
 風俗藐書人賤賣聞說朝鮮國偏愛
 舊家稠載救襄殮估客收羅換珠瑄
 愚山先生詩集卷二十一 七言古 一

此時喪亂漸無書君家六萬卷有餘
 幾度桑田變滄海帝敕掌書守爾廬
 多君先世真卓犖謂俞邵尊甫
明立先生秘笈奇文靡不學青箱世守重哀增排籤
 插架無叅錯虞山宗伯為君歎閱覽高風
 兩獨難石倉細帙既珍襲手校家傳還借看恨我將衰難夜讀
 瞑坐有時背燈燭雄吞萬卷心不死會向高齋看書目

旱風篇

千村井渴草木黃二麥枯無一尺長刈取作飯徒徬徨
 中虛無粒餘麥芒嘈嘈兒女嗔命娘縛雞易黍炊壺漿
 天茫茫南風捲地不可當旱魃書出飛廉狂兩年歲儉
 今田荒九重心惻真成湯桑林哀禱呼穹蒼萬民如堵

皆沾裳上帝 君不見黃河水溢連江雨田廬漂盡嗟
淮揚

賜裘圖歌爲沈繹堂太史作

茂陵作賦傳禁闔召赴金門給筆札謫仙李白揮彩毫
承恩勅賜宮錦袍奇才異數古罕有千載聲名在人口
華亭太史沈休文遭逢聖世真不朽憶昔讀書石渠閣
京雜才華推卓犖揚馬文章夙討論鍾王字體兼摹索
先帝句宣邁舊臣雙旌秉節黃河濱政成岳牧重淹

鱗 天子垂衣忽召見黃門飛鞚如流電天仗光搖金

鳳牋御爐香暖鸚鵡研鰲頭侍從列千官詞翰爭看柏

愚山先生詩集

卷二十一 七言古

二

梁殿濡毫進講復陳詩霽色溫綸荷天眷是時冰雪高
山丘瑤臺丹陛寒雲流壺傾仙液金盤果尚衣又賜紫
貂裘都下喧傳詫殊遇擁馬羣看塞道路七貴五侯來
索書流傳墨蹟多無數今年重召入宮門親承 帝語
問寒溫在廷喜起徵元首四海雍熙想至尊官還舊秩
由中旨棲遲難索長安米瘦腰青髻暗摧殘三泖九峰
思故里冠蓋如雲滿京國人生富貴何紀極天下才人
亦無數惟此九重恩遇不可得 聖主知臣臣戀主會
應珥筆彤廷側請君莫憶南山之南北山北

醉來歌贈曹顧菴先生

騏驥何當老伏櫪鳳凰不合垂青冥自古文章纏坎壤

升沈萬變皆漂萍汝不見曹學士昔何騰達今隱淪談
遷兩世稱史臣出入侍從詞清新腹笥便便資顧問博

聞強記如有神胡爲失路髻垂雪傷心往事難具陳十

六年來重把臂金門會合多吾輩萊陽之宋嘉新城王

西樵南海周東吳繹堂相韻頽余亦羈棲燕市窈同聲異

曲成宮商疎星歷歷月皎皎奮袖爲君歌激昂 聖主

寬仁尚文史國士銜冤心不已憑誰仰首號天門事白

徐還臥駕水風塵滿眼憂思多醉來且共尊前歌

古銀槎歌爲荔裳作背有鐵字云元至正壬寅朱碧山製朱名華玉見輟明錄

坐上突兀見浮槎根株半朽枝杈枒中有老翁獨箕踞

縹緲恍惚如仙家細看乃是銀鑿落腹空曲注藏流霞

愚山先生詩集卷二十一 七言古 三

碧山山人真好事雕鐫苦盡經營意摩挲膩滑半無痕

猶存至正壬寅字宋公好古稱博雅滄洲懷抱尤瀟灑

醉後淳于興轉蒙天上張鸞臂堪把此物曾經四百年

浮生誰是長年者如君愛客天下無典衣沽酒飲吾徒

雄談不藉揮塵尾壯志時聞擊唾壺會當倒載入槎腹

拍浮滿地皆江湖藉伶酒隱亦不易人間萬事何其愚

趙閣仙膳部作頭陀小像

突兀天人姿灑落湖海氣怪底含香厭塵滓掉頭別具

逃禪意泰山稊米海一杯簪笏烟霞渾閒事愛君且欲

苦畱君蒼生正賴青雲人君家清獻亦不俗豈必蒲團
是淨身

喬石林舍人見示先侍御聖任先生來鶴圖

柱史東山高枕處射陽湖畔滄洲趣前代曾傳抗疏名
知幾早就歸田賦手校連牀多異書坐看滿眼森奇樹
海風簸蕩垂車輪一鶴翩翾來不去先生自是鸞鶴姿
廿年萬事付漁磯嗒然倚杖天機靜還有亭前鷗鷺飛

十峰草堂歌贈錢礎日

錢家錫山有九龍峰自署十峰草堂

昔過惠山逢雨雪九峰不辨江天白今來駐策燕山旁
逢君乃是九峰客九峰深處多長松草堂正對青芙蓉
看山自信山爲友添汝不妨成十峰竹徑蘿軒雲霧裏
芒屨布襪何時始壯遊五岳復三山相看我輩皆老矣
挂瓢且酌山中水

愚山先生詩集

卷二十一 七言古

四

程周量梅花小像

炎海祝融雄百粵山川鬱奧仙靈宅柳州能言不解事
嶺南少人故多石君看程侯起海濱睥睨中原眼欲白
出入承明及郎署風流共許文章伯胡爲乎倚樹孤吟
似山澤把君詩一卷酌君酒滿樽朋友膠漆君所敦幼
輿自具有丘壑東方游戲隱金門天南羣盜如蜂屯干
戈未息黃塵昏羅浮縱好不可住回首梅花何處村

苦熱行

帝京酷熱天下無誰言白日寒幽都往時晝汗夜擁被
朝昏爽氣生肌膚今年日夜如釜甑赤身臥地仍狂呼
龐眉父老稱怪事人矚馬喘死載塗輦冰如山寨路衢

千家買盡爭須臾去冬苦寒今苦熱天氣過差偏有餘
江南炎暑常勝北關情故里當何如近聞太白復晝見
憂來側足重脚蹶

金魚池歌仿杜樂遊園體

時余將南歸荔裳顧菴
釋堂用量西樵阮亭觀

玉崑崙方山諸
公集餞同賦

京華何處散愁疾城裏金魚池第一相國園林尤豁爽
新秋邁會好風日諸公爲我開金樽預恐分襟聚儔匹
鳴騶下直來及晨曲宴論文坐從密菰蒲映水似江村
別館連雲紆石室烟中萬樹南郊青屋角斜陽西嶺出
開懷不惜酒如澠見面誰能髮猶漆憶昔花時桃李新
傾城羅綺驕青春金鞍玉管雜無數遊女嬌姬不避人

愚山先生詩集

卷二十一

七言古

五

今朝彌望轉清曠晴空無際瑩心神白晝魚龍忽起舞
滄洲鷗鷺閒相親人生貴賤偶然事好愛千秋萬歲身
得閒吟

還山去秋雲陰渡黃河水深匹馬歸來畱不住悠悠
若箇知我心丈夫得時貴行志漫說爲貧聊一試療貧
行志兩無成白頭濡滯需何事空堂積雨羅衣單炊菰
膾鯉思江關長風昨夜送清夢故山笑我成蒼顏黃金
如斗賜歸葬何如襍被生前還百年苦短不得息 聖
主恩深許暫閒登我讀書閣前俯釣龍灣敬亭雲氣軒
牕裏宛句溪聲枕席間吁嗟莫負此溪山

馱轎中坐臥不得戲爲俚歌

籃輿可昇那可馱道長計短當奈何浩如一葉衝黃河
縱橫簸蕩交風波坐愁髑飢寢則那暑雨如甕如陶窩
山川都邑虛經過上下如山人力多搖精頓骨心蹉跎
丈夫縱可無八騶豈堪局促憑兩騾不如匹馬騎款段
平沙緩轡行且歌

韓祠歌

河北孟縣城東陲有歸獨存昌黎祠知公故里下馬拜
庭宇卑隘巍門基簷冕白晳皎玉樹不老不少疎髯髭
詎果留侯竝姣好流傳刻畫恐差池墮垣蠹几作鄉塾
六七童卯聲唔咿問公閭巷盡恍惚奉祠者二衣冠衰
仲宣有井宋玉宅唐賢蹟豈無人知兵火摧殘一碑在

愚山先生詩集

卷二十一 七言古

六

略紀歲月闕文詞寸筵難尋巨鐘擊庸工縮手羞般倕
鼠跡蝸涎滿蕪穢迎神侑饗無歌詩天生巨手掃落葉
百家八代供鞭笞口吸天漿紉霞珮生拉羆虎捶蛟犀
乾坤簸蕩萬類困竄逐飢愁逢百罹狂瀾獨砥塞羣喙
羽翼魯鄒功不隳開雲徒鯉在反掌帝遣鴻文驚海濱
便當上書置博士飛薨改策命有司發揚盛美琢金石
陳姓薦醴繁鼓吹公遊八荒當來歸嶺海嵩洛不移時
君看月黑風雨夜公乘赤豹擁雲旌

嵩陽雨夕懷王昊廬侍讀

登封城郭嵩之陽翠律青冥雲錦張重雲三日雨如霰
滿耳蟲聲秋葉黃此時獨坐生白髮忽憶美人邈金闕

開尊永晝坐論文捲幔清宵相對月長安車馬無時休
臨岐執手重淹留浩歌早識名山興瑤華送我尋嵩丘
一生當著幾兩屐放眼一步成十洲看君亦有向平意
望遠那免張衡愁玉女窗擣衣石來朝新霽凌絕壁與
誰共作峰頭客

九龍潭歌

翠屏倒削成寒谷重坎靈湫連碧玉鞭霆作雨龍歸來
縮角攢鱗此中宿密林夾石石髮青崩崖訶隘陰風腥
下有菖蒲寸九節潭幽磴滑雲冥冥浣纓戛杖人嘯語
困嬾九龍眠不醒君不見才雄膽大昌黎子石記猶傳
雷震耳

韓退之遊九龍潭遇雷有石
記云戒人勿妄語觸龍也

愚山先生詩集

卷二十一 七言古

七

獨酌寄張爾成少叅

商丘城東作

朔風一夜霜華新高原草衰色勝銀文雅臺東晚沽酒
商丘有文雅臺短歌獨酌生悲辛君期大梁飲十日中塗改轍
會無因汴城百萬殉河伯夷門山阜湮沙塵梁園修竹
成灌莽白日黃狐蹲怒人開尊虛左縱結客文章長物
誰相親人生萬鍾轉眼盡岳遊雙屐隨閒身多君意氣
自湖海資我僕馬無遠巡珊瑚作鞭碧玉杖上窮嵩頂
下潁濱惜哉咫尺龍門失行過百里餘悔噴囊中收得
嶽雲在臨風會放周八垠茅堂藥徑重灑掃還山解帶
題松筠江鄉此日好風味稻蟹豐脂魴細鱗安得致君
江閣坐緩傾五斗新詩陳歌成酒氣指頭出誰謂吾曹

愁賤貧

我不如二首

思叔父也歸旣半塗夢叔父寢疾憂不能寐也
我不如黃鶴兮一舉千里無徘徊朝飛自西暮還東歸
心皇皇兮思舊樓天路邈兮霜雨霏秣我兩馬兮逝將
追而

二

我不如慈竹兮盤根曲節相因依苑必連生枯必竝衰
魂悄悄兮慘獨悲黃髮衰兮白日隕策我四牡兮殆其
後而

宿商賢草堂

愚山先生詩集

卷二十一 七言古

八

北來策馬苦思歸深巷斜陽還叩扉石城舊知亦不少
執卷忘飢君獨老紫螯我買君開尊中庭摘豆充盤飧
草堂夜靜如崖壑讀半新詩月西落酒中忽憶牆東叟
謂方爾止在日三人同笑口人生零落真可歎撥棄勿道使
心酸

涇陽雙節婦歌

平陽太守劉使君曾大母張大母魏竝筭年苦
節成立菟孤見涇陽縣志

黃鵠一寡不復雙哀鳴夜半天雨霜阿雛良匹亦如此
雙悲獨宿寒巢裏人言此事世罕有請看劉家雙節婦
柏舟早汎年幾何姑年二十婦十九後先兩世抱遺孤

洗糝椎髻霑羅襦層冰墮指聲鳴軋窗前織素燈前書
青箱嗣續成頭角蘭芽玉樹爭卓犖九原鸞諾未追褒
五馬聞孫雙淚落雙淚落且莫哀兩心金鐵齊不朽千
古休論懷清臺

仙源歌贈邵徵君鎮之

仙源近在黃山下三十六峰真可把徵君高臥棲翠微
乘興行吟過白社少年詞翰紛陸離射策公車明盛時
論心盡是顧厨輩結友差稱遊俠兒蹭蹬天門不得上
風塵世事堪惆悵南陔愛日罷南宮青門掃跡歸青嶂
前朝曠典徵賢良羣英吐氣爭翱翔詔起先生出蓬華
身隨漁父歌滄浪是時姑山有一老謂沈明巖先生同郡同徵
愚山先生詩集卷二十一七言古九

與君好國是官常重制科采山飲甘懷寶轉眼人間
萬事非滄江不改釣魚磯八十著書從皓首北山笑指
孤雲飛者舊年來嗟逝水典型不墜存遺軌有道誰旌
通德門聚星差抵高陽里咫尺思君見面難采芝努力
還如餐好憑七尺青藤杖同向蓮花頂上看

斗山亭筵上呈曹使君

同錢陶雲考功孟繼美少參曹廣孺孝廉

鄣郡千山萬山裏纍如海中碧浪連天起斗山壁立兩
城隅巒壑人烟皆杖底培塿昔日埋荒榛亭臺今日凌
秋旻復檻朱欄列桃李綺疏傑閣摩星辰借問此亭誰
構者前身子建真瀟灑樓是曹使君修葺臨風散帶時欲眠對
客題詩不宥下今朝佳客集樓頭揮杯直作空中遊白

岳香鑪亂雲外紫陽書舍叢篁幽練水當筵如屈注山城帶雨歸烟霧河西遙指石梁橫太白當年飲酒處白也把酒心常閒千年一去何時還與君傾一斗差可解愁顏微風拂高樹銀漢聲潺潺北望容成正招手且可翱翔三十六峰閒

白龍潭上桃花源作

地近藥鈿丹井一名藥谷舊有蓮花菴

黃山峰壑幾千曲客遊先就桃花源宿杖底殷殷雷繞身樓頭洶洶濤崩屋清夢全醒風雨聲深林匹練中宵明曉起白龍掉長尾四山飛瀑來喧爭怪石礪砢排盾戟寒潭冰雪澄空碧隔溪古寺斷疎鐘偃木垂藤纏絕壁匡廬三疊天下稀嵩嶽九龍稱神奇何如此地獨兼併愚山先生詩集卷二十一七言古十

咫尺衆壑蟠蛟螭復磴叢篁白日暝還沂藥鈿尋丹井轟磕不聞人叫呼倚杖空亭發深省問君蓮花菴在無連朝細雨山模糊屋角一圭破雲影青鸞舞處看天都

青鸞天都二峰名

藥谷仙源難具陳琪花紫翠秋爲春憑君傳

語武陵客笑殺桃源洞裏人

中秋夕坐光明頂看月歌

同洪美周江允水許雪懷是夕允水吹鐵笛

人間何處無中秋誰向仙巖絕頂遊白頭牖下苦局促浮雲轉眼空煩憂君不見黃山天海光明頂橫絕千峰冠萬嶺芒屨踏破層巔雲石鼓人歸日未暝夕陽散映青山紅珊瑚萬樹琉璃中絕壁寒光出滄海赤霄皎月隨長風雲門仙老影重重九龍矯旋羣追從坐指蓮花

見花瓣遙窺玉女臨虬松此時大笑皆拍手香溪客到
貽美酒割吾炙傾一斗客吹笛吾擊缶昨日風雨今日
晴天上良宵真不偶銀漢疎星明玉盤山蔬野果資清
歡眼底高擎出仙掌勸我把盞爲加餐獨憐五老墮雲
霧黃山亦有仙掌五老諸峰相思不得同盤桓夜未闌露將溥白鶴
唳兮回青鸞翠雲裘敝天風寒於乎萬古此山此明月
何人不媿峰頭客

贈堯菴和尚

楚人熊氏名開元以進士官給諫
崇禎中坐建言指斥輔臣謫戍

入山得黃嶽九州碌碌少名山眼前幸無弱水隔怪底
人難一日閒笑我尋山亦已晚得逢禪老開歡顏把君
書一卷啓口非人間蒲團久坐坐三峰月杖藜重過九龍
壩山先生詩集卷二十一 七言古 十一
灣龐眉豎拂時不語鉢中但見雲飛還青原藥公思黃
海一日西歸不能待先是青原藥地
師有黃山之約安能把臂同此遊
虎溪大笑三人在勿言往事徒傷神裴休今作比丘身
看君出世好男子舊是先朝骨鯁臣

黃山怪松歌

效古人純用仄轉體松有把門
臥龍破石蒲團接引繞龍之日

山中老松多詭絕風伯手揉雲縮結青枝如組踵屈鐵
根似引繩長百折高可尋丈短尺許寄生以石不以土
餐風飲霧無凡姿倒身拂地翩躚舞天門以上兩翁立
一迎一送相拱揖向人兩手儼開張笑語有時風習習
盤石團團翠蓋擎僧趺細雨衣不濕巉崎一線巖前坐
條馱蒼龍眠欲墮騰身逾峽復斜空片石撐撐成負荷

又過雲梯各呼叱破石松生蓮萼下怒如利劍刺山頂
迸出青霞穿石罅平天砥畔蒲團好圍坐數人懽絕倒
軟鋪髮貼貽阿誰應待維摩及天老山樵野火燒半枝
雨清雲滋未枯槁峰尋始信鋒眩眉睫斷崖恰賴孤柯
接似伸猿臂來引手位置欹危通步屨左瞰一峰等卓
錫突出倒垂翻峭壁糾髯奮角肆盤旋烟靄冥濛纏露
縻徐看知是繞龍松或稱帝松莫與敵帝松字
跡無梯
絕山志
磴絕攀緣膽裂猿猴愁搏擊其餘萬樹難名狀石竇山
屢迷背向曾見軒皇煉藥年瘦筋絲髮今亡恙離奇睥
睨人間世益盜移栽空好事徂徠山麓盡凡材天台橋
畔差比類我今作歌非癖異笑遺胸中槃礴意旣多肉
愚山先生詩集卷二十一 七言古 三

馬怪真龍時俗徒誇梁棟貴

紫陽書院歌

九月十五朱夫子生日太守曹公同郡僚邑侯
辰止集諸生講學賜飲餼歌以志盛事

尼山嶧山廻光鋸伊洛南來欵浦長折衷諸儒誰獨苦
羽翼六經朱紫陽紫陽山有韋齋館回峰環侍如堵牆
夜闌風雨獨燈火書繙周孔堆繩牀作尉尤溪生仲晦
新安故土無時忘考亭武夷著書處竝以紫陽稱草堂

外家祝叟墓猶在舊時山月縈中腸文公自閩還歛省
祝公墓講學紫陽

書舊時山共知魂魄良瞻此連雲傑構緜烝嘗御書祠

額冠巖壑宋理宗御書紫陽書院額釋菜講業歌洋洋兵興萬事如

流水漸仁摩義等糝糠百年耆舊掃蕪穢窮秋跋涉畏
餽糧生徒習禮氣肅穆官師坐論聲琳琅當塗豁達賂
軒冕布衣揖讓承酒漿俎豆敢言遺緒在山川已覺靈
旂翔二程遠祖亦歛產厥里篁墩湖嶺旁豐祠偉碣著
譜系程朱闕里聲煌煌二程夫子之先歛篁墩人有天
三夫子祠詳見程朱闕里志
生哲賢如擇地萃異鍾英接混茫孔壇顏巷猶咫尺濂
溪鹿洞森相望於乎百家路充塞聖遠忍令吾道荒明
明日星未墜地願翦荆棘遠周行

黃山吟贈曹賓友

我家近黃岳夢上天都峰苦遭纓組縛側身難相從興
來蠟屐齋宿春青松手策爲青龍曹生示我山遊草飛
惠山先生詩集卷二十一 七言古

十三

雲走日開心胸憑陵一萬八千丈踏翻滄海塞芙蓉緣
蘿捫葛人無數山靈頻妒生烟霧曹生四入峰頭遊層
巖壘壑窮朝暮尋山直欲作山史一石一泉皆記注我
昨孤嘯蓮花巔鍾山廬嶽皆點烟羲和却顧苦停轡恨
無斗酒招列仙看君弔古懷李白珊珊仙骨才翩翩少
年努力爭撰著叫呼昂首摩高天丈夫會應取知己何
處酒樓同醉眠

酬贈高蒼巖郡丞

君初官
滇南

君遊碧雞水臥治黃山麓借問點蒼峰十九何似黃山
三十六幾時投分軒轅君笑把蓮花拂雙目憶昔齊州
叢菊開夜闌共倒明湖杯一別花開十五度斗山共賦

臨高臺萬古銷沈如過隙眼前事事頭堪白尋山乍可
訪丹丘對酒寧辭傾一石君不見杜陵老作諸侯客

讀書行贈張黃岳同年

後生空腹喜祖龍老守帖括如童蒙亦有聚書連屋棟
塵封還與無書同不見歛州黃嶽翁縹緲充斥一畝宮
手排筆纂少閒日丹鉛簡首訖篇終略抒胸臆作文字
長啗刻畫非天工我壯同官少同榜後先視學山之東
見汝高歌雷岱頂摧嵩抑華憑天風中年勇退良早計
對客偏稱左耳聾別我於今二十載齒如水雪雙顴紅
糠粃一切那可得坐擁萬卷亦豪雄曹倉鄴架眼前少
歸田誰信吾儕窮王行呼將阿堵去文舉坐畏清樽空
愚山先生詩集卷二十一 七言古
與君引手向天笑啾啾鳴壁徒秋蟲

程公瑜藏墨歌

韋奚潘李世所無存者半挺如隋珠含光肉映若膚枯
螺文龍脊多糝糊桐脂熊膽今良圖先朝妙手方程殊
不數玉玦與金壺公卿眩目皆驚吁誰其嗣者今公瑜
君房後勁爭齊驅一丸萬杵成璠璣雲腴石液分天都
苦心物色忘飢餉玄漿可飲頭可濡割豹爲囊十笏儲
便應如意椎珊瑚

施愚山先生學餘詩集卷之二十二

七言古

貧交行爲程山尊作

富交長閉門貧交長開樽富交張四筵咄嗟多德色貧
交傾斗酒意氣淡相得不及見君盛時貪結客祇今黃
金散盡非疇昔片言岐路遇知已開襟倒篋無所惜一
卷新詩雪不如滿眼富兒眼堪白園林細雨共繙書山
寺疎林同躡屐聞君舊向邗江住怕見乘車喜儒素世
澤猶餘諫草存窮吟莫爲詩篇誤酒傾一石書萬卷屈
蠖還須猛虎步狂客從來悲倦遊丹楓殘菊繫離愁聞
說春帆下揚子幾時來醉宛溪頭

愚山先生詩集

卷二十二 七言古

一

桐塢短歌訓贈程非二

張拳欲搯南山虎袖手低眉臥桐塢海水怒翻桐摧殘
鳳吟狼嘯聲辛酸白榆彥會須史歇

新安舊有白榆社皆名宿

雲散雷寒月籜冠避世棲牆東當年玉樹今山翁黃山
數峯夜驚走索之乃在君懷袖日日公榮酒滿壺眼中
人識酒人無

相逢行寄陳說巖學士

昔在都亭困濁醪長安耆舊相招要 天子崇儒聚文
士楊班賈董紛吾曹新秋細雨涼別墅長謡短詠懽
宵酒闌脫帽半頭白惜別憂來增鬱陶高都學士獨年
少皎然玉樹凌丹霄石閣披書朝索筆金門下直晚回

鑣相逢恍爽始相識文章欵曲心竟交我出春明躡嵩
頂中原萬里風蕭蕭三花已落根株古少室斜穿星漢
高緱嶺仙人逝超忽抱書歸臥守蓬蒿尺素傳來開老
眼陳遵健筆回斗杓八人方駕吾老矣不鄙謂我諳風
騷論詩精域那能造君詩有宛陵含清真
論詩造精域之句廢學雄心早
寂寥丈夫經術重喬嶽笑看詞賦成鴻毛含都茹京偶
披寫掣鯨倒海生風濤出水芙蓉曜朝日盛年策足眞
人豪吾家侍御與君好謂研山贈遠豈必雙瓊瑤歌成不
寐搔短髮起看江月飛寒潮

東渚草堂歌贈梅八丈子翔

東渚草堂大如掌蘿軒竹閣青溪上東渚閒園半畝餘

愚山先生詩集

卷二十二

七言古

二

谿光樹影何森爽主人舊是子眞喬掣電空羣許騏驎
少年詞翰早飛揚未老巖林甘棄置門雷二徑長蓬蒿
坐揖吾曹論文字種蘭滿砌花滿溪遶籬叢菊無東西
臨流抱甕手灌溉飲露餐英日杖藜我來十月花枝少
傲霜猶賸黃花好舊時兄弟盡零落獨酌花前成野老
典移得句襟顏開碧雲暝合呼餘杯臥病三年身好在
掉頭萬事歌莫哀歌莫哀鬢已摧好束藏書堆列架醉
看鷗鷺眼幾回

黃門高冢歌

萊陽姜給諫如農明末建言觸忌廷杖謫戍宣
州衛會國變道阻逾數年始至遺命奪葬敬亭

山下吳中士大夫私諡爲貞毅

謝公久逝杜韓歿敬亭佳客能有幾
竭來突兀姜黃門
生愛敬亭歿不已黃門不是愛山川
憤切遺忠痛心髓
一抔之土五尺墳明末孤臣某在此
平生骨鯁重如山
怒櫻虎豹號天關身幽詔獄杖闕下
偷生豈復思人間
薄譴忽謫宣州戍荷戈便踏江南路
時艱中道阻干戈
亂後重來已遲暮國步雖移心未改
家園無夢歸東海
誓言埋骨敬亭陲貞寬毅畱千載
於乎寬歸閭闔將
如何欲就重華舊淚多蓬萊水淺
碣石泐黃門高家長
嗟峨

徐田東見遺石溪偃松圖蓋摹東坡墨本

愚山先生詩集

卷二十二

七言古

三

高人揮秃筆天地爲軒輊君不見此偃松畫者誰鬱盤
轉作千霄勢前有東坡後石溪胸中同此礫矧意官家
宮闕童千山爾獨長畱巖竈間詰曲杈枒飽霜霧神全
節密多古顏於乎石公生前好畫與余善惜我未致鷺
溪絹愛君古人心一片但願守此數相見

醉後爲周雪客題松林抱膝圖

層巖怪石紛巖從老松鐵幹根青銅江天漠漠來長風
誰獨坐者蒼山空老病看人眼欲白望氣知爲周雪客
豐顧廣顙不尋常骨重神清愛山澤前年走馬長安市
客舍高齋面秋水題詩一出驚公卿挾策行將謁天
子爾翁意氣橫高天君才豪俊尤少年顧廚結客凡幾

輩書畫經時又滿船春華方盛詩已老老成更數何人
好二酉家藏讀父書蓼莪淚盡收遺草

君方輯先公遺集

金陵

耆舊隨東流時人袞袞徒公侯多君父子能好事殘編
陳蹟時討求卽今抱膝亦不惡脫手黃金未蕭索薄遊
君自敬亭回北樓坐對銜金杯我來重酌秦淮酒倚醉
同登周處臺才雄心小君努力暫時雌伏休徘徊夜闌
拂袖題長句我亦山中尋桂樹

敬亭遲新安曹使君不至

山城新漲驅山去把酒含情對芳樹五馬雙旌望不來
雨中花落春垂暮敬亭雲氣連天都索羣鸞鶴聲相呼
不知此夕宛溪淚能到新安江上無

愚山先生詩集

卷二十一 七言古

四

題劉緘齋樵客圖

倚青松踞盤石出入千山萬山碧世人皮相識不得山
人故是江海客華陽學士心相憐五侯七貴皆前席白
眼長安忽倦遊掉頭歸臥鳧峯宅於乎買臣富貴殃其
身何若行歌長負薪

悲老牛

老牛躑躅心悲酸上嶺下嶺走新安新安諸嶺石齒齒
淚盡蹄穿鞭未已吁嗟力不勝驅使行行入肆充甘旨
此邦百萬多豪家炊金饌玉紛如麻一轡不備亦何憾
相恬成俗無咨嗟君不見黃衣入夢語爭傳又不見救
母藏刀尤可憐殺業相尋綠食肉爾有大功人不錄昔

時力盡爲君耕今日忍棄供鼎烹不辭刀俎吞聲泣請
君看取盤中粒

割蜜篇

避兵水
東作

山窰戎戎傍山屋剝木作房相纍屬過午放衙飛滿檐
花盡采花心不足青桂開殘叢菊黃戩羽藏身天欲霜
持刀割取鑠子甲慘澹糾纏不出房強憑烟灼驅除去
欲行未行心却顧不辭辛苦爲君甜徘徊猶覓空房往
爾聚爾族且莫嗔殘膏霑潤安爾身棄家骨肉不違惜
獨歎流離烽火人

避亂偶還見荒園叢菊方華慨然有作

主人灌園不出門手栽叢菊浴深村秋來叢菊花開滿

愚山先生詩集

卷二十二

七言古

五

主人避地畱虛館人間萬事逐烽烟幾處青燐生井廬
溪叟潛歸暫亡恙憑誰杯酒酌花前

酌水歌贈張兩水

酌水懽四坐請爲兩水歌昔時共學並年少今日相看
鬢已皤鬢已皤可奈何儋石雖屢空今名一何多昔汝
大父維尚書銓衡手握澄水壺睥睨權璫能獄立早愛
青山歸五湖懿靖先生尤卓犖不官獨嗣肝江學中年
戰勝兼逃禪鹿門妻子皆藜藿多君世胄貧不愁賣藥
街頭韓伯休得錢供母苦不足便學何顛斷酒肉避人
蒿徑隔山齋返哺烏巢傍茅屋尚書祠前水清妙錦樹
丹霞相照曜君家三世稱賢豪萬事浮雲堪一笑請看

閱閱存幾家回頭盡作風中花

關中房儀凡駕部初令新鄉有殊績及聞李賊陷

京師痛哭山中不食歿鄉人私諡曰貞靖有表

忠祠碑敬書短歌其後

文士縮符能殺賊罷官聞難仍殉國義憤填膺歿獨難
吞聲絕粒無人識盲風動地摧山丘如此孤忠那可得
於乎鯨鯢得志龍髯悲正氣哀歌又一時史不特書里
有謚千人啼淚表忠碑君不聞清渭之涯太華釐墓上
寒猿時夜哭

大滌精舍圖

潛谷爲湯
歲夫畫

昨觀潛谷岳陽圖墨痕一掃天糝糊林端縹緲丹樓出

愚山先生詩集

卷二十二 七言古

六

半涵煙雨浮菰蒲尺幅重看圖大滌林巒層峭炯縷析
拍空萬壑走長風拔地千峯暗雌霓問誰居者黃山樵

湯自稱黃
山樵者

愛餌神芝鑿青壁坐邀天海盪心胸側聆松

濤飛霹靂黃山樵者真孤峯席門陋巷滄浪邊采薇稀

髮無處所作碑賣字餐寒烟梅村學士不相識新詩獨

賞心爲憐造廬結戰事雖已海日江春句已傳

湯有齋
山懷古

詩爲吳學士偉
業吟賞名遂顯

婁東逝矣淚如霰吾曹落拓復相見羽

書日夜警關河帶甲縱橫滿鄉縣敝裘落日換斗酒烈

士哀歌倚雄劍買山歸臥定何年但捲疎簾見江練黃

嶽天都不可攀大滌誰當共往還夢遊天姥亦虛語眼

前一步三神山但令此圖常在手相看大笑開心顏

寄天都許青巖

青巖舊有青藤杖生掣蛟螭馴倔強苦心割愛傾所懼
作歌贈我餘惆悵亂來躑躅扶杖行懷君望遠攀孤嶂
側聞松竹都亡恙重倚梅花酌佳釀我不共飲可若何
興來拍手爲君歌丈人家傍黃山住山房却在臨溪處
丈人愛向黃山遊飛策天都最上頭住山遊山心總閒
雕鏤雲物窮仙山雪翁千歲成逸友山有老白猿
人稱雪翁蓮花
百丈開懽顏黃山峯勢千手指就中者宿今餘幾詞賦
家風傳二子眼前萬事堪老矣殘編自向碧山藏仙客
還分石髓嘗南村潭上東風暖應有春雲滿竹房

松巖圖短歌貽馬吉人

愚山先生詩集

卷二十二 七言古

七

崇巖太古松俯視大夫輩借問盤空幾許長能繞橫枝
出峯背幽人放眼凌華嵩會當置爾丘壑中松風謾謾
溪雲合誰識孤吟拄杖翁

題金長真憲副小像

昔年同臥白雲樓醉吟並馬西山遊風煙荏苒二十載
今日逢君仍黑頭細看此圖良不殊豐願微笑疎髭鬚
手挈瓶花傍盤石懸巖倒挂青珊瑚清虛寡欲阮千里
丘壑關情梅幼輿人生富貴誰不朽安得聲名滿人口
使君五馬復千騎宦達才多意良厚徧地干戈愁殺人
披君襟抱如春酒薔薇花落坐新桐白苧歌殘橫北斗
當塗努力好自愛君差雄健余衰醜

汪蛟門舍人三好圖

謂書酒聲伎

丈夫寄興皆偶然要令懷抱垂千年擁書把醜列絲竹
富貴何必非神仙不爾僵臥且止酒殘編短帙商歌傳
吾愛舍人好才思縱無三者良快意竹西况復風流地
雪色妖姬擅歌吹秦郵美酒吳閭書咄嗟充斥等閒事
前年醉我燕市頭高歌月下解貂裘白門昨夜燈船曲
嗚咽秦淮水不流可憐名士悅傾城桃葉楊枝舊繫情
興闌開閣會遣去一壺一卷娛平生孫老倔強殊苦口
大聲勸汝屏詩酒杜老戒書咄腐儒佯狂豈是高陽徒

孫翁人杜茶林並有作

積書人多讀書少我愛讀書今已老慚君

詩思真涌泉被酒長篇疾如掃

愚山先生詩集

卷二十二 七言古

八

金在五苦吟圖

謝文侯寫照陳無名補木石

陳郎作畫謝老寫生當風玉樹真神清獨坐綠蕉倚文
石望中知是苦吟客聞君卓犖讀父書好客平原亦不
如乘風破浪有長策冒學五言七字爲腐儒君不見吾
儕青髯皆早疎

酒間贈鄭谷口

時谷口歷敘八分及漢隸諸碑書法又被大司馬敦促入都

八分健手天下知片紙尺璧傳京師諸王列第遍題椶
五嶽名藍半寫碑收藏富有羅百代上窮岫嶺下李斯
篆籀銅盤及石鼓銘刻重搜太子池中年慘澹工漢隸
借問苦心摹阿誰溧陽技官卻陽令石門禮器皆神奇
古碑名以上皆摩挲軟勁非筆墨剝落金石光迷離錦帙牙籤

盡書畫苑通不合兼軒岐公侯延佇爭倒屣車騎刺促
無閒時勞人作達轉清服解衣揮翰明燈下匹絹殘牋
氣槃礴態遲勢速人驚詫義急窮交不顧身興耽古物
寧論價高齋別墅夏猶花畱我過從每涼夜飲君卮酒
顏欲酡火雲滿眼鼓鼙多單車見說燕山去谷口閒園
奈若何

登清涼山歌

半生自向名山趣解組中年稱情悵北遊嵩少南武夷
一枝撐空破烟霧世亂餘年仍薄遊剩水殘山思坦步
無端一月坐秦淮領客終朝汗如雨籃輿忽昇石頭東
新竹微風散中屨到來不信是城中突見匡廬峯下路
愚山先生詩集卷二十二七言古九

龍蟠虎踞何縱橫遂壑層山莽回互翠微亭廢翠微深

山頂宋有翠微亭

江色天風曳遙素巖阿古寺自疎鐘舊是陳

宮逆著處六朝勝事總荒烟三山寒影如浮鷺巖樓川
觀多幽人望古聯翩足佳句昭明臺在馬蹄多玉局碑
沉春草暮山頂高阜傳爲昭明臺又一拂祠西峙講堂有蘇文忠石刻今不存一拂祠西峙講堂
風雨時聞鬼神聚僧開高閣並危巢雲挂長松疑瀑布
愚山老人作客便當此中住不然自捲殘書徑歸去聞
說秋冬楓葉春花倘得重來定看十里江城盡紅樹

塞翁行贈吳岱觀

塞翁昔住西湖畔萬頃琉璃堆几案塞翁忽作秦川客
萬里間關青鬢白作客差同杜老時分符正值關西飢

官舍數椽鄰鬼火邊城百雉啼寒鳴三川小路新通蜀
輪蹄日夜相奔屬廐中十馬九馬死借人走卒吞聲哭
繪圖請命幾沾衣折腰早放淵明歸諸邊歷盡黃沙戍
五月親看積雪飛此地古稱同谷縣子美哀歌淚如霰
解綬還能築草堂題詩重爲開生面若修葺社工部
草堂邑人有記翁
歸自笑稱寒翁芒鞋布襪隨西東古來得失皆偶爾且
作逍遙河上公

靈巖山

苔滿西施洞葉覆吳王井巖前對面碧湖灣美人畱得
蛾眉影麋鹿遊來池館平舊時響屐餘鐘聲糝臺洗盡
看僧塿惟有春花歲歲生

愚山先生詩集

卷二十一 七言古

十

徐健菴編修洗研圖

徐公健筆千人萬人見詞翰驚傳柏梁殿偶然休沐臥
江湖塵尾閒揮看洗研珊瑚架筆金花箋賦就還應闕
下傳誰知得意苦吟處夢在池塘春草邊時仲氏果亭
編修立齋學

士並官
京師

七十二潭漁父歌寄贈陳確菴孝廉

吳江千里連雲樹漁父狂歌鼓棹去震澤周遭滄海淡
七十二潭定何處平生故是出羣才片言落紙驚風雷
公車掉頭不甯上心輕萬事如塵埃桑田變後甘樗散
白日飛騰忽晚抱膝橫經木榻穿繞堂種竹花溪遠
向來偶作諸侯客老臥惟耽五湖宅龍威丈人得見無

大澤羊裘空髮白蒲葦零亂楓葉殷寒潭倒浸湖上山
彌望關河箭滿眼江頭幾箇釣船閒

王太常燻客先生作畫見寄報以短歌

余寓書先生初未相識聞作畫後數日臂痛廢
搦管亦見先生耄年特筆矣

畫家法變宋元後潑墨紛紛負能手太常一幅來婁江
意遠神閒真罕有乍看僧巨然再觀癡子久晴山濕空
翠輕雲冒林藪華頂天台恨未登見此使我心騫騰峽
裏飛流迴積雪松間細葉垂蒼藤先生甲第舊平津八
龍七葉多聞人時移身隱歸耆舊巢許臯夔無等倫少
工書畫吐奇氣望古心追爭上駟中年惟作壁窠書老
愚山先生詩集卷二十一 七言古 十一

罷丹青倦人事誰邀異數苦經營是歲春秋八十四前
賢折節收後生手書細作千餘字昔我視學山之東梅
村爲寫丈人峯剩水殘山走嶽瀆此圖氣象將無同側
聞別墅冠吳中惜哉相望阻相從轉眼梅花照亭榭何
時鼓舵披心胸但見高堂素障山千重

送歙州江允凝遊蕪江

山人生長黃山下一生愛作黃山畫殊松駭石非人間
俗眼羣看盡驚怪天都仙窟眞靈竒不經身到誰能知
拂雲憶共蓮峯坐對酒會橫鐵笛吹勝遊一步一回顧
到今猶記題名處可憐亂後總荆榛回首丹臺隔烟霧
宛陵舊友今寂寞鼓棹於湖興磅礴殘暑風生水石涼

高歌夜醉天河落笑君畧識敬亭山欲往瞿硎底未閒
此別中秋餘幾日月明兩地各江灣

寄丘德俊大叅淮上是年七十

我昔同官爽鳩日先生平反稱第一及君出守漢陽時
讀禮余歸臥蓬室風烟從此各離居幾度門前楊柳疎
爲政聲名滿中外那可相思無尺書漢陽絡繹疲兵革
寨帷四望頭堪白潁川渤海最循良漢水楚江盡恩澤
是時治行天下聞歸夢常思淮浦雲西方千騎且麾却
故山叢桂多清芬古來富貴如飛箠丈夫要貴能行樂
如君有子過八龍二龍詞翰爲人宗曙戒季貞如君得年已
七十手把青樽髮如漆湖海元龍不可攀香山蒼舊心
愚山先生詩集卷二十二七言古 三

長閒餘年且作歸田錄笑看沙鷗日往還

石公種松圖歌

畫是梅湖公筆

梅翁石公皆畫松偈強不與時人同石公飛錫騰黃嶽
萬松詭異羅胸中搗來黃檗袈裟地便擬手擎雙塢寺
廣教寺爲黃檗禪師道場俗稱雙捨寺莖草拈成丈六身舊時雲鳥來依
人金雞舞罷吼龍象種松欲徧無荒榛上人逸興多如
此黃嶽千峯歸眼底高坐松陰自在吟役使神猿及童
子客來笑把種松圖看取新松種幾株俄頃空中聲謾
謾青天萬樹齊浮屠爲問西飛黃檗歸來無

爲饒景玉題畫

老我青鞵與布襪愛畫愛山都入骨近年小極嬾登臨

突向此中興超忽石翁落筆來英靈三山五嶽歸毫髮
願畱坐臥十日看無數雲霞時出沒

稜毛行

田家飲泣罷爲農悔不將田全種稜無苗高坐忍餓死
無稜榜繫千家空可憐稜毛歲一割割剝非時稜不活
况復山家種植稀咄嗟那可飽搜括官家作艦頻遣兵
稜麻聚斂盈空城麻雖倍直土所出稜非厥產從何生
羽書飛促勢倉皇用三作一不相當誰知轉自蕪湖買
婦無完袴兒無糧連歲兩河需柳埽芻粟三秦重荒耗
普天萬國困軍儲分在供輸復誰告語卿忍淚且勿悲
人間禍福無窮期不見西南戰地赤殺人如草鳥不食
愚山先生詩集卷二十二七言古
但令瘠土莫干戈力盡輸稜死亦得

有客行

殘書把讀長松下有客來尋灌園者采藥山童隔翠微
侯門稚子驚車馬停車贈我青琅玕促坐論文抒肺肝
傍竹開尊復何有臨溪膾鯉延清懽昔我先人皆好客
洙泗高談浮大白行觴子弟聚星辰併日琴歌出金石
老夫十稔賦歸田有官不換東山眠削牘久慚事干謁
堆盤何計羅肥羶以此齏鹽光舊德却看徒御少顏色
妻子笑余畱上賓無錢那合作官人回頭語卿吾累汝
客去高吟聞四鄰

芥茶歌

芥茶勝事真罕見脫畧茗柯作香片顧渚月峽趨下風

倒戈羞與芥山戰芥陽絕勝無多地寸壤黃金爭品第

最老廟後稱冠軍紗帽碁槃亞兄弟其他有新廟後聖尖弱面香袋手中

皮刀洞頂皆連壤異名問誰造者唐與朱唐子晉朱日如苦心創獲前代

無抑揚徐疾有妙理俄頃能分氣味殊北海韓侯雒城

長玉川遺事傳清賞刻有五川遺事一書石鼎金泉手自煎小酌

深嘗戒鹵莽就中甲乙難討尋賤耳歸求鼻舌心其甘

雋永香蘊藉非蘭非乳鮮知音時俗噉名吁可咤廣鼎

偏矜尺璧價今年始擷供至尊廟產摘盡餘中下紛

紛豪貴競徵求令君仰屋山家愁物色經時得一啜纔

分半盞霑枯喉山是陽崖總砂石瘦吞雲日成芳潔廟

愚山先生詩集卷二十二七言古 十四

後何偏奪地靈言人人殊莫能說幾處茶寒善損神將

花熏染香失真氣幽色白此柔旨大葉粗枝翻絕倫牙

筍鎗旂春太早月團龍餅添揉造桑苧天隨安可嚼後

來踵事今人好酷耽水厄癡則那我強解事爲茶歌芥

園未到猶餘恨山靈妒我將如何余欲往登芥山會雨不果

渡錢塘畱寄毛稚黃

吳山山下閉門久藥臼在傍書在手銷冤曾到宛陵書

散病詎同湖上酒秋雨淫淫木葉黃我遊甌海渡錢塘

龍湫知有千尋瀑訝許江漲別恨長

大龍湫歌

白龍倒影垂青天天河欲決成桑田驚濤一瀉五千仞

曳爲素練霏紫烟遊絲小駐勢不下奔雷迸射當我前
舉頭拍手相叫嘯回風急雨爭喧闐忽如玉女舞白紵
翠鬟長佩何翩躚詎那開山好心眼詎那尊者開山有詎那亭孤亭
冉冉來羣仙我吞名泉胸八九杖藜對此嗟老顛靈源
涌出雁湖頂怒翻月窟稱龍淵謝公屐齒不到處榛迷
徑塞重茫然下注錦溪歷斤竹東歸到海何時旋憑誰
拾取玉井石蓮子種此湫底藕如船它時騎鹿重相訪
會看十丈開青蓮

愚山先生詩集

卷二十二

七言古

五

施愚山先生學餘詩集卷之二十二終



07222

